

亥 12

4-1243

方
攻
陣
散
陣
寒
陣

全
書
字



景岳全書古方八陣卷之五十五

宇集

會稽

張介賓

會卿著

會稽

魯超

謙菴訂

攻陣

仲景

大承氣湯一

治陽明太陰傷寒譫語五六日不大便腹滿

煩渴並少陰舌乾口燥潮熱脉實者○劉河間加甘草名三

一承氣湯

大黃

四兩

厚樸

半斤

枳實

五枚

芒硝

三合



右以水一斗先煮厚枳二物取五斤去滓內大黃煮取二升

去滓內芒硝更上火微一兩沸分溫再服得下餘勿服

仲景小承氣湯二

治病在太陰無表證汗後潮熱狂言腹脹

實六七日不大便喘滿者

卽前大承氣湯減去芒硝

仲景調胃承氣湯三

治太陽陽明不惡寒反惡熱大便秘結日

哺潮熱者○凡陽明病有一證在經者當解肌入腑者當攻

下

大黃

芒硝

甘草

各五錢此從近法



每服三五錢水一大盞煎七分溫服

仲景桃仁承氣湯四

治傷寒畜血小腹急大便黑而不通

桃仁

十二枚
去皮尖

官桂

甘草

各一錢

芒硝

三錢

大黃

半兩或一兩此從近法

右咬咀作一服或分二服水一大盞煎七分溫服

良方桃仁承氣湯五

治瘀血小腹作痛大便不利或譫語口乾

漱水不嚥遍身黃色小便自利或血結胸中

可近或寒熱昏迷其人如狂

桃仁

半兩去
皮尖

大黃

炒一兩

甘草

二錢

肉桂

一錢



右薑水煎發日五更服

當歸承氣湯

六

治燥熱裏熱火鬱為病或皮膚枯燥或

鼻乾或便溺結悶通宜此方

當歸

大黃

各四錢

甘草

芒硝

各二錢

右咬咀入薑煎服

仲景

大柴胡湯

七

表證未除裏證又急汗下兼行用此

柴胡

半斤

半夏

半升

黃芩

芍藥

各三兩

生薑

五兩切

枳實

四枚

大黃

二兩

大棗

十二枚擘

右七味以水一斗二升煮取六升去滓再煎溫服一升日三



服

氏附六一順氣湯八

以代大小承氣大柴胡大陷胸等湯

藥也○此湯治傷寒熱邪傳裏大便結實口燥咽乾怕熱
語揭衣狂走斑黃陽厥潮熱自汗胸脇滿硬臍腹疼痛等證
效不盡述

大黃

枳實

黃芩

厚樸

柴胡

甘草

芍藥

芒硝

水煎服欲峻者大黃後入○凡傷寒過經及老弱或血氣兩
虛之人或婦人產後有下證或有下後不解或表證尚未除



而裏證又急不得不下者用此湯去芒硝下之則吉蓋恐硝性峻急故有此戒經云轉藥執緊有芒硝者緊也今之醫者不分當急下可少與宜微和胃氣之論一槩用大黃芒硝投湯劑下之因茲枉死者多矣○仲景云蕩滌傷寒熱積者用湯液切禁丸藥不可不知也

仲景

大陷胸湯

治大結胸手不可按

大黃

四錢

芒硝

三錢

甘遂末

二分此從近數

用水一鐘半先煎大黃至一鐘內芒硝煎一二沸去粗內甘

遂末和勻服得利則止○此藥極峻必不得已而用之○原

方用大黃六兩芒硝一升甘遂末一錢水六升如前法煮二升分二服得快利止後服

小陷胸湯

十

方在寒陣十六

治小結胸正在心下按之則痛脉浮滑者

河間大黃湯

十一

治瀉痢濕熱邪盛膿血稠黏裏急後重日夜

無度者

大黃

一兩

右細剉好酒二大盞浸半日煎至一盞半去大黃分二服頓

服之痢止一服如未止再服以痢爲度服芍藥湯以和之痢



北京中医药大学图书馆版权

止再服黃芩湯和之以撤其毒

外科 大黃湯 十二 方在外科一六七

治腸癰小腹堅腫

金匱 大黃甘草湯 十三 治食已即吐○按此湯必下焦脹實大

便秘結不通而格拒吐食者方可用之若因胃虛而食已即

吐者此則大非所宜用者不可誤認

大黃 四兩 甘草 一兩

右二味以水三升煮取一升分溫再服

金匱 大黃硝石湯 十四 治黃疸腹滿小便不利而赤自汗出表



和裏實者宜用之

大黃

黃柏

硝石

各四兩

梔子

十五枚

右四味以水六升煮取二升去滓內消更煮取一升頓服

金匱

梔子大黃湯

十五

治酒疸心中懊懣成熱痛

梔子

十四枚

大黃

一兩

枳實

五枚

豉

一升

右用水六升煮取二升分溫三服

河間

防風通聖散

十六

治諸風潮搐手足痙癇小兒急驚便結

邪熱暴甚肌肉蠕動一切風熱疥癩等疾

防風

川芎

當歸

芍藥



麻黃

連翹

薄荷葉

大黃

芒硝

各五錢

石膏

黃芩

桔梗

各一兩

滑石

三兩

甘草

二兩

荊芥

白朮

梔子

各二錢半

右爲末每服二錢水一大鍾生薑三片煎六七分溫服○醫

統方各五分用水二鍾煎服○痰嗽加半夏○閉結加大黃

二錢○破傷風加羌活全蝎各五分○此方有四賈同知方

無芒硝崔宣武方無芒硝有縮砂癰瘍機要有白芷蒺藜鼠

粘子甘草



雙解散 十七 方在痘疹 四一

治痘疹表裏俱實

牛黃雙解散 十八 方在外科 二百九

治便癰熱毒大小便秘

局方涼膈散 十九 瀉三焦六經諸火

大黃 樸硝 甘草 連翹 各一錢 半

梔子 黃芩 薄荷 各五分

水一鍾半加竹葉七片煎八分入蜜一匙和勻服

東垣涼膈散 二十 方在痘疹 八三



北京中醫藥大學圖書館版權所有

解痘疹內熱良方

陶氏黃龍湯 二十一

治熱邪傳裏胃有燥糞結實心下硬痛而

下利純清水身熱譫語發渴此非內寒而利乃因湯藥

也各曰積熱利證宜急下之身無熱者宜用此湯身有熱者

宜六一順氣湯醫家有不識此證者便呼爲漏底傷寒卽用

熱藥止之者是猶抱薪救火也誤人多矣

大黃

芒硝 老弱者去此

枳實

厚樸

甘草

人參

當歸

水一鍾半生薑二片棗二枚煎服

良方黃龍湯 二二

方在婦人 八五

治妊婦感冒風寒熱入胞宮寒熱如瘧

錢氏黃龍湯 二三

方在小兒 二五

治小兒感冒發熱或寒熱往來

和子玉燭散 二四

治血虛有滯或婦人經候不通腹脹作痛○

此四物湯對調胃承氣湯也

當歸

川芎

芍藥

地黃

大黃

芒硝

甘草

各等分

右咬咀水煎服○甚者倍用大黃

四順清涼飲子 二五

治大人小兒血脈壅實臟腑生熱面赤

煩渴睡臥不寧大便秘結

大黃

當歸

芍藥

甘草 各等分

右咬咀水煎服

元戎四物湯 二六

治臟結秘澀

當歸

熟地黃

川芎

白芍藥

大黃 煨

桃仁 各等分

右用水煎或丸服亦可

仲景抵當湯 二七

治傷寒熱在下焦少腹鞭滿其人發狂小便



自利者下血乃愈以太陽病瘀熱在裏也

水蛭

三十條熬

蝨虫

三十個熬去翅尾

桃仁

二十個去皮尖

大黃

三兩酒浸

右四味爲末以水五升煮取三升○又抵當丸亦卽此

仲景十棗湯 二八

治懸飲內痛

芫花

醋拌經宿炒微黑勿焦

大戟

長流水煮半時晒乾

甘遂

麩裹煨各等分

右爲細末先以水一鍾半煮大棗十枚至八分去棗納藥末

強人一錢弱人五分平旦服之不下更加五分決下徐以糜



粥補之

潔古三化湯 二九

治中風外有六經之形證先以續命湯

內有便溺之阻格此方主之

厚樸 薑製

大黃

枳實

羌活 各等分

右咬咀每服一兩水煎服微利則止

選透膈湯 三十

治脾胃不和中脘氣滯胸膈滿悶噎塞不通

脇肋脹痛痰涎嘔逆飲食不下

木香

白豆蔻

砂仁

檳榔

枳殼 麩炒

厚樸 薑汁炒

半夏 製

青皮